



ML2205-164
SASTERA MELAYU
(PANTUN)

වර්ණගරුම් මලයු

DISUSUN OLEH

1. ADLEE WAYAYOH

JABATAN BAHASA MELAYU
FAKULTISASTERA DAN SAINS KEMASYARAKATAN
UNIVERSITI FATONI

MELAYU BAHAS DAN BUDAYA

Sebatang pohon sepokok tanjung
Sekuntum bunga mewangi berbakti
Selamat, salam kami berjunjung
Ke atas anda, berbudi tinggi

Bukit hijau matahari berjejari
Di pagi aman suasana indah
Ilmu pengalaman perlu dikejari
Mengindahkan akal mendekati Allah

Awan berarak menjalur sungai
Rerumput hijau menjalur bumi
Melayu bahasa, budaya damai
Bangsa beradab di bumi pertiwi

Sewangi-wangi mawar berseri
Semerdu merdu burung kicauan
Dari Indonesia kunjung ke Patani
Sedarah saudara erat hubungan

Manis madu, raja manis
Pahit pedu, raja pahit
Selamat salam dibibir manis
Seterang fajar bermula terbit

Adlee Wayayoh

BAHASA MELAYU

Embun pagi menyubur alam
Di hirup oleh bunga di taman
Kami mengalu-alukan salam
Assalamualaikum, tuan budiman

Tanjung berbunga menyarat pokok
Si kakak tua, terbang melari
Kenapa Melayu hai abang dan kakak
Bahasa mudah tak perlu peduli

Jagung berbuah di batang pokoknya
Kelapa bertandang dibelah dua
Hai adik Melayu bahasa ibunda
Terkenal seluruh dunia yang nyata

Ikan di laut, ikan di darat
Ikan di mana, tawarnya sama
Benarlah abang si bujang hebat
Melayu termasyhur, di mana-mana

Rumah melayu adat dijaga
Carak berwarna sarung berbunga
Bahasa Melayu bahasa indonesia
Bahasa nusantara identitinya sama

Ikan bilis, melompat lompat
Diburu oleh si helang merah
Asia tenggara moyangnya hebat
Mewaris bahasa Melayu yang megah

Hidup getah menghasilkan susu
Hidup padi menghasilkan padi
Hidup kita, si anak melayu
Wajiblah sanggup menjatikan diri

Adlee Wayayoh